

OD JESENI NOVI PROJEKAT - DO TADA IZVRSNA ARHIVSKA GRAĐA O MEDIJIMA U JUGOISTOČNOJ EVROPI

Povod ovog uvodnika je nužnost da informišemo kako je jedna faza projekta Media Online završena. Redakcija časopisa se nalazi u intenzivnim poslovima kako bi se obezbijedio nastavak finansiranja i izvršila transformacija časopisa. Njemačka vlada je putem Pakta stabilnosti je odobrila inicijalnu donaciju za pokretanje studentskog internet časopisa koji će izdavati Visoka škola novinarstva Media plan u saradnji sa našom redakcijom. Zato ćemo tokom ljeta vršiti ažuriranje, stranice samo sa najvažnijim vijestima i pripremati projekat medijskih analiza koje ćemo od jeseni izvoditi sa studentima i profesorima Visoke škole novinarstva. Mi se nadamo da će Mediaonline nastaviti svoju uspješnu misiju.

Od oktobra 2000. godine na stranici www.mediaonline.ba dočekivao vas je internet časopis Media Online. Kad god ste kliknuli na ovu stranicu, otvarale su se aktuelne vijesti o medijima, raznovrsni analitički izvještaji i kompleksni istraživački projekti koje su radili poznati novinari i stručnjaci za medije iz jugoistočne Evrope. Riječ je bila o jedinstvenom časopisu u regionu koji je tretirao medijsku problematiku, i to isključivo u on line formi. Svi sadržaji su objavljeni na engleskom i bosanskom/ srpskom/ hrvatskom jeziku, dok je izbor tekstova objavljan i na francuskom.

Časopis je stvorio generaciju novinara eksperata za medijsku tematiku. Dobijena sredstva su omogućila razvoj analitičkog i istraživačkog novinarstva u regionu Jugoistočne Evrope. S obzirom da je internet World Wide medij, medijski analitičari širom svijeta su u mogućnosti da na engleskom jeziku imaju uvid u medijsku situaciju u jugoistočnoj Evropi, još uvijek tranzicijskom i politički trusnom regionu.

Media Online je udario temelje web povezivanju i saradnji. Mnogi stalni saradnici žurnala se nikada nisu vidjeli "oči u oči". Međutim, korištenjem e-maila i interneta na jeftin i funkcionalan način oni su saradivali, a rezultate svoga rada imali u kontinuitetu na svom kompjuteru.

Media Online je regionalni projekat u koji su uključene sve zemlje jugoistočne Evrope. Saradnjom kroz časopis podsticala se saradnja između pojedinaca i institucija, što pored profesionalnog, ima i politički značaj - razbijanje komunikacionih barijera, jačanje povjerenja i razumijevanja.

U realizaciji ovog časopisa učestvovala je brojna ekipa stručnjaka i saradnika Media plan instituta, novinske agencije SAFAX i agencije UNICORN. Naš trud će biti nagrađen ako ste postali posjetilac ove stranice.

Časopis Media Online pojavio se zahvaljujući iskustvu koje smo stekli u produkciranju 'Novosti o medijima', servisa namijenjenog novinarima i medijskim ekspertima u Bosni i Hercegovini. Zahvaljujemo se vladi Francuske na finansijskoj pomoći kao i agenciji Press Now iz

Holandije. Media Online u ovom trenutku ima izuzetno vrijedan arhivski značaj. Do jeseni, kada će stranica dobiti ponovo dinamičke osnove.